

雜寶藏經卷第二

既二

元魏沙門吉迦夜共曇曜譯

六牙白象因緣第十

昔舍衛國有一大長者生一女子自識宿命
初生能語而作是言不善所作不好所作無
既二
慚所作惡害所作背恩所作作此語已默然
而止此女生時有大福德即爲立字名之爲
賢漸漸長大極敬袈裟以恭敬袈裟因緣出
家作比丘尼不到佛邊精勤修習即得羅漢
悔不至佛邊便往佛所向佛懺悔佛言我於

彼時已受懺悔諸比丘疑恠問佛此賢比丘
尼何以故從出家來不見佛今日得見佛懺
悔有何因緣佛即爲說因緣昔日有六牙白
象多諸群衆此白象有二婦一名賢二名善
賢林中遊行遇值蓮華意欲與賢善賢奪去
賢見奪華生嫉妬心彼象愛於善賢而不愛
我時彼山中有佛塔賢常將果供養即發願
言我生人中自識宿命并拔此白象牙故即
上山頭自撲而死尋生毗提醯王家作女自
知宿命年既長大與梵摩達王爲婦念其宿

怨語梵摩達言與我象牙作牀者我能活耳
若不爾者我不能活梵摩達王即募獵者若
有能得象牙來者當與百兩金即時獵師詐
被袈裟挾弓毒箭往至象所時象婦善賢見
獵師已即語象王彼有人來象王問言著何
衣服答言身著袈裟象王言袈裟中必當有
善無有惡也獵師於是遂便得近以毒箭射
善賢語其夫汝言袈裟中有善無惡云何如
此答言非袈裟過乃是心中煩惱過也善賢
即欲害彼獵師象王種種懼喻說法不聽令

害又復畏五百群象必殺此獵師藏著奇間
五百群象皆遣遠去問獵師言汝須何物而
射於我答言我無所須梵摩達王募索汝牙
故來欲取象言若取答言不敢自取如是慈
悲覆育於我我若自取手當爛墮白象即時
假二
向大樹所自拔牙出以鼻絞捉發願而與以
牙布施願我將來拔一切衆生三毒之牙獵
師取牙便與梵摩達王爾時夫人得此牙已
便生悔心而作是言我今云何取此賢勝淨
戒之牙大修功德而發誓言願使彼將來得

成佛時於彼法中出家學道得阿羅漢汝等當知爾時白象我身是也爾時獵師者提婆達多是也爾時賢者本比丘尼是也爾時善賢者耶輸陀羅比丘尼是

兔自燒身供養大仙緣第十一

舍衛國有一長者子於佛法中出家常樂親里眷屬不樂欲與道人共事亦不樂於讀經行道佛勅此比丘使向阿練若處精勤修習得阿羅漢六通具足諸比丘疑恠而白佛言世尊出世甚奇甚特如是長者子能安立使

得阿練若處得阿羅漢道具六神通佛告諸比丘非但今日能得安立乃於往昔已善安立諸比丘白佛言不審世尊過去安立其事云何佛告諸比丘過去之時有一仙人在山林間時世大旱山中果蓏根莖枝葉悉皆枯乾爾時仙人共乾二兔親善而語兔言我今欲入聚落乞食兔言莫去我當與汝食於是兔便自捨薪聚又語仙人必受我食天當降雨汝三日住華果還出便可採食莫趣人間作是語已即大然火投身著中仙人見已作是思

惟此兔慈仁我之善伴爲我食故能捨身命

實是難事時彼仙人生大苦惱即取食之菩薩

爲此難行苦行釋提桓因宮殿震動而自念言今以何因緣宮殿震動觀察知是兎能爲難事感其所爲即便降雨仙人遂往還食

果蓏爾時修習得五神通欲知爾時五通仙者今比丘是也爾時兎者今我身是也我捨身故使彼仙人住阿練若處獲五神通況我今日不能令此比丘遠離眷屬住阿練若住處得阿羅漢獲六神通

善惡獮猴緣第十二

佛在王舍城諸比丘白佛言世尊依止提婆達多常得苦惱依止如來世尊者現得安樂後生善處得解脫道佛告比丘言非但今日乃往過去時有二獮猴各有五百眷屬值迦

尸王子遊獮園將欲至一善獮猴語一惡獮猴言我等今渡此河可得免難惡獮猴言我不能渡善獮猴語諸獮猴言毗多羅樹枝榦極長即挽樹枝度五百眷屬惡獮猴眷屬以不度故即爲王子之所獲得爾時善獮猴者

我身是也爾時惡獮猴者提婆達多是所將眷屬爾時苦惱今依止者亦復如是爾時依止我者長夜受樂現得名稱供養將來得人天解脫爾時依止提婆達多者長夜受衆苦現身得惡名稱人不供養將來墮三惡道是故諸比丘應常遠離惡知識親近善知識善知識者長夜與人安隱快樂以是之故應當親近善知識惡知識應當遠離所以者何惡知識者能燒燒然今世後世衆苦聚集佛以智水滅三火緣第十三

有國名南方山佛欲往彼國於中路至一聚落宿值彼聚落作吉會飲酒醉亂不覺火起燒此聚落諸人驚怕莫知所趣各相謂言我等唯依憑佛所可免火難便白佛言世尊願見救濟佛言一切衆生皆有三火貪欲瞋怒愚癡之火我以智水滅此三火此言若實此火當滅作是語已火即時滅諸人歡喜信重於佛佛爲說法得須陀洹道諸比丘疑惟世尊出世甚奇甚特爲此村落作大利益聚落火滅心垢亦滅佛言非但今日爲作利益

於過去世亦曾爲彼諸人作大利益諸比丘問言不審世尊過去利益其事云何佛言過去之世雪山一面有大竹林多諸鳥獸依彼林住有一鸚鵡名歡喜首四二彼時林中風吹兩竹共相錯磨其間火出燒彼竹林鳥獸恐怖無歸依處爾時鸚鵡深生悲心憐彼鳥獸投五翅膀水以灑火上悲心精勤故感帝釋宮令大震動釋提桓因以天眼觀有何因緣我宮殿動乃見世間有一鸚鵡心懷大悲欲救濟火盡其身力不能滅火釋提桓因即向鸚鵡

所而語之言此林廣大數千萬里汝之翅膀所取之水不過數滴何以能滅如此大火鸚鵡答言我心弘曠精勤不懈必當滅火若盡此身不能滅者更受來身誓必滅之釋提桓因感其志意爲降大雨火即得滅爾時鸚鵡今我身是爾時林中諸鳥獸者今大聚落人民是也我於爾時爲滅彼火使其得安今亦滅火令使得安又問復以何緣得見諦道佛言此諸人民迦葉佛時受持五戒由是因緣今得見諦獲須陀洹道

波羅奈國有長者子共孝行天神感王行孝

緣第十四

如是我聞一時佛在舍衛國告諸比丘言若有人欲得梵天王在家中者能孝養父母梵天即在家中欲使帝釋在家中者能孝養父毋即是帝釋在家中欲得一切天神在家中者但供養父母當知一切天神已在家中但能供養父母便爲和尚已在家中欲得阿闍梨在家中者但供養父母即是阿闍梨在其家中若欲供養諸賢聖及佛若供養父母諸

賢聖及佛即在家中諸比丘言如來世尊極爲希有恭敬父母佛言非但今日極爲希有恭敬父母於過去世亦曾希有恭敬父母比丘問言過去恭敬其事云何佛言往昔波羅奈國有一貧人唯生一子然此一子多有兒息其家貧窮時世飢儉以其父母生埋地中六養活兒子隣比問言汝父母爲何所在答言我父母年老歸當至死我便埋之以父母食分欲養兒子使得長大第二家聞謂此是理如此展轉遍波羅奈國即以爲法復有一長

者亦生一子此子聞之以爲非是即作是念當作何方便却此非法遂白父言父今可應遠行學讀使知經論其父便去少得學讀而便還家年轉老大子爲掘地作好屋舍以父著中與好飲食作是思惟誰當共我除此非法天神現身而語之言我今與汝以爲伴侶天神疏紙問王四事若能解此疏上事者爲汝擁護若不解者却後七日當破玉頭今作七分四種問者一者何物是第一財二者何物最爲樂三者何物味中勝四問何物壽最

長膀著王門上國王得已搜問國中誰解此者若有解者欲求何事皆滿所願長者子取此文書盡解其義信爲第一財正法最爲樂實語第一味智慧命第一解此義已還著王門頭天神見已心大歡喜王亦大歡喜王問長者子言誰教汝此語答言我父教我王言汝父安在長者子言願王施無畏我父實老違國法故藏著地中願聽臣所說大王父母恩重猶如天地懷抱十月推乾去濕乳餉養大教授人事此身成立皆由是父母得見日

月生活所作父母之力假使左肩擔父右肩
擔母行到百年復種種供養猶不能報父母
之恩時王問言汝欲求何等答言更無所求
唯願大王去此惡法王可其言宣下國內若
有不孝於父母者當重治其罪欲知爾時長
者子今我身是我於爾時爲彼一國除却惡
法成就孝順之法以此因緣自致成佛是以
今日亦復讚歎孝順之法

迦尸國王白香象養育父母并和二國緣第

十五

昔佛在舍衛國告諸比丘言有八種人應決
定施不復生疑父母以佛及弟子遠來之人
遠去之人病人看病者諸比丘白佛言如來
世尊甚奇甚特於父母所常讚歎恭敬佛言
我非但今日過去已來恒尊重恭敬諸比丘
問言尊重讚歎其事云何佛言過去久遠有
二國王一是迦尸國王二是比提醯國王比
提醯王有大香象以香象力摧伏迦尸王軍
迦尸王作是念言我今云何當得香象摧伏
比提醯王軍時有人言我見山中有一白香

象王聞此已即便募言誰能得彼香象者我當重賞有人募言多集軍衆往取彼象象思惟言若我遠去父母盲老不如調順往至王所爾時衆人便將香象向於王邊王大歡喜作好屋毬毬敷著其下與諸妓女彈琴鼓瑟以娛樂之與象飲食不肯食之時守象人來白王言象不肯食王自向象所上古畜生皆能人語王問象言汝何故不食象答言我有父母年老眼盲無與水草者父母不食我云何食象白王言我欲去者王諸軍衆

無能遮我但以父母盲老順王來耳王今見聽還去供養終其年壽自當還來王聞此語極大歡喜我當便是人頭之象此象乃是象頭之人先迦尸國人惡賤父母無供養心因此象故王即宣令一切國內若不孝供養父母者當與大罪尋即放象還父母所供養父母隨壽長短父母喪亡還來王所王得白象甚大歡喜即莊嚴欲伐彼國象語王言莫與鬪諍凡鬪諍法多所傷害王言彼欺凌我象言聽我使往令彼怨敵不敢欺侮王言汝若

去者或能不還答言無能遮我使不還者象即於是往彼國中比提醯王聞象來至極大歡喜自出往迎既見象已而語之言即住我國象白王言不得即住我立身來不違言誓

先許彼王當還其國汝二國王應除怨惡自

此二

九

安其國豈不快乎即說偈言
得勝增長怨負則益憂苦不諍勝者著其樂最第一

爾時此象說此偈已即還迦尸國從是以後二國和好爾時迦尸國王今波斯匿王是比

提醯王阿闍世王是爾時白象今我身是由我爾時孝養父母故令多衆生亦孝養父母爾時能使二國和好今日亦爾波羅柰國弟微諫兄遂徹承相勸王教化天下緣第十六

昔者世尊語諸比丘當知往昔波羅柰國有不善法流行於世父年六十與著敷毘使守門戶爾時有兄弟二人兄語弟言汝與父敷毘使今守門屋中唯一敷毘小弟便截半與父而白父言大兄與父非我所與大兄教父

使守門兄向弟言何不盡與敷斃截半與之

弟答言適有一敷斃不截半與後更何處得
兄問言欲更與誰弟言豈可得不留與兄也

兄言何以與我弟言兄當年老兄子亦當安
兄置於門中兄聞此語驚愕曰我亦當如是

也弟言誰當代兄便語兄言如此惡法宜共
除捨兄弟相將共至輔相所以此言論向輔
相說輔相答言實爾我等亦共有老輔相啓
王王可此語宣令國界孝養父母斷先非法
不聽更爾

梵摩達夫人妬忌傷子法護緣第十七

佛在王舍城語提婆達多言我恒深心慈念
於汝及身口意於汝無惡今可共懺提婆達
多罵詈而去諸比丘言云何如來慈心若此
提婆達多反更惡罵佛言非但今日於過去

時波羅柰國有王名梵摩達夫人名不善意
有子法護聰明慈仁就師教學時梵摩王將
既二諸姝女於園苑中而遊戲安樂以飲殘酒送
與夫人夫人瞋恚而作是言我寧刺法護咽
中取血而飲不飲此酒王聞是語瞋恚而言

學中喚法護來法護來已欲刺其咽子白父

言我無過罪王唯有一子何爲殺我王言我不殺汝汝母意耳能白汝母懺悔令使歡喜終不殺汝兒即向母懺悔而作是言唯有我一子亦無過罪何爲殺我母不受悔便刺兒咽與血使飲佛言爾時父王者拘迦離是彼時母者提婆達多是彼時子者我身是也我於爾時都無惡心不受我悔今日亦爾不受我悔我於爾時雖爲所殺都無一念瞋恨之心況於今日而當忿恚有惡心也

駝驃比丘被謗緣第十八

昔有比丘名曰駝驃有大力士力出家精勤得阿羅漢威德具足恒營僧事五指出光而賦衆僧種種敷具由是佛說營事第一彌多比丘自薄福德當次會處飲食麤惡乃反恚言若此駝驃料理僧事我終不得好食自活當設方便彌多有姊作比丘尼往共相教謗於駝驃乃至滿三駝驃厭惡即昇虛空作十八變入火光三昧於虛空中如火燄滅無有屍骸誹謗貪嫉能使賢聖猶尚滅身況復凡

夫是以智者當慎誹謗莫輕言說時諸比丘
即便問佛駝驃比丘有何因緣而被誹謗復
以何緣得是大力復以何因逮得羅漢佛言

過去世時人壽二萬歲時有佛名曰迦葉爾

時迦葉佛法中有年少比丘面目端正顏色
美妙彼年少比丘乞食未還有一少婦惑著
是色看此比丘眼不捨離駝驃比丘時爲倉
監會見此婦隨逐比丘目不暫捨即便謗言
此女必與彼比丘通由是因緣墮三惡道受
苦無量乃至今日餘殃不盡猶被誹謗又以

過去迦葉佛時出家學道今得羅漢以其過
去經營僧事驢駛米麵溺於深泥即能挽出
緣是之故得力士力

離越被謗緣第十九

昔罽賓國有離越阿羅漢山中坐禪有一人
失牛追逐蹤跡逕至其所爾時離越煮草染
衣衣自然變作牛皮染計變成爲血所煮染
草變成牛肉所持鉢盂變爲牛頭牛主見已
即捉收縛將詣於王王即付獄中經十二年
恒爲獄監食馬除糞離越弟子得羅漢者有

五百人觀覓其師不知所在業緣欲盡有一弟子見師乃在罽賓獄中即來告王我師離越在王獄中見爲料理王即遣人就獄檢校王人至獄唯見有一人威色憔悴鬚髮極長而爲獄監食馬除糞還白王言獄中都無沙

既二

十二

門道士唯有獄卒比丘弟子復白王言願但設教諸有比丘悉聽出獄王即宣命諸有道人悉皆出獄尊者離越於其獄中鬚髮自落袈裟著身踊在虛空作十八變王見是事歎未曾有五體投地白尊者言願受我懺悔即

時來下受王懺悔王即問言以何業緣在於獄中受苦經年尊者答言我於往昔亦曾失牛隨逐蹤跡至一山中見辟支佛獨處坐禪便誣謗經一日一夜以是因緣墮落三塗苦毒無量餘殃不盡至得羅漢猶被誹謗

波斯匿王醜女賴提緣第二十

昔波斯匿王有女名曰賴提有十八醜都相似人見皆恐怕時波斯匿王募於國中其有族姓長者之子窮寒孤獨者仰使將來爾時市邊有長者子孤獨單已乞索自活募人見

之將來請王王將此人入於後園而約勅言
吾生一女形貌醜惡不中示人今欲妻卿可
得爾不時長者子白王言王所約勅假使是
狗猶尚不辭何況王女而不可也王尋妻之
風二爲立宮室約勅長者子言此女形醜慎莫示
人出則鎖門入即閉戶以爲常則有諸長者
子共爲親友飲饌遊戲每於會日諸長者子
婦皆來集會唯此王女獨自不來於是諸人
共作要言後日更會仰將婦來有不來者重
謫財物遂復作會貧長者子猶故如前不將

婦來諸人便共重加謫罰貧長者子敬受其
罰諸人已復共作要言明日更會不將婦來
復當重罰如是被罰乃至二三亦不將來請
於會所貧長者子後到家中語其婦言我數
坐汝爲人所罰婦言何故夫言諸人有要飲
會之日盡仰將婦請於會所我被王勅不聽
將汝以示外人故數被罰婦聞此語甚大慚
愧深自悼慨晝夜念佛於是後日更設饌會
夫復獨去婦於室內倍加懇惻而發願言如
來出世多所利益我今罪惡獨不蒙潤佛感

其心志從地踊出始見佛髮敬重歡喜已髮即異變成好髮次見佛額漸觀眉目耳鼻身口隨所見已歡喜轉深其身即變醜惡都盡貌同諸天諸長者子密共議言王女所以不來會者必當端正異於常人或當絕醜是故不來我等今當勸其夫酒令無覺知解取鑰匙開門往看即飲使醉解取鑰匙相將共往開門看之見此王女端正無雙便還閉門詣於本處爾時某夫猶故未悟還以鑰匙繫著腰下其夫覺已尋還向家開門見婦端正殊

異恠而問之汝何天神處我屋宅婦言我是君婦賴提夫惟而問之所以卒爾婦時答言我聞君數坐我被罰心生慚愧懼惻念佛尋見如來從地踊出見已歡喜身體變好貧長者子極大歡喜尋入白王王女身體自然變好今求見王王聞歡喜尋即喚看見雖歡喜情甚疑恠將詣佛所而白佛言世尊此女何緣生於深宮身體醜惡人見驚恠復以何因今卒變好佛告王言乃往過去有辟支佛日日乞食到一長者門前時長者女持食施辟

支佛見辟支佛身體麤惡而作是言此人醜惡形如魚皮髮如馬尾爾時長者女者今王女是施食因緣生於深宮毀塔辟支佛故身體醜惡生慚愧懇惻心故而得見我歡喜心故身體變好爾時衆會聞佛所說恭敬作禮歡喜奉行

波斯匿王女善光緣第二十一

昔波斯匿王有一女名曰善光聰明端正父母憐愍舉官愛敬父語女言汝因我力舉官父敬女答父言我有業力不因父王如是三

問答亦如前王時瞋忿今嘗試汝有自業力無自業力約勑左右於此城中覓一最下貧窮乞人時奉王教尋便推覓得一窮下將來詣王王即以女善光付與窮人王語女言若汝自有業力不假我者從今以往事驗可知女猶答言我有業力即共窮人相將出去問其夫言汝先有父母不窮人答言我父先舍衛城中第一長者父母居家都以死盡無所依怙是以窮乏善光問言汝今頗知故宅處既二十五不答言知處垣室毀壞遂有空地善光便即

與夫相將往故舍所周歷案行隨其行處其地自陷地中伏藏自然發出即以珍寶產人作舍未盈一月宮室屋宅都悉成就宮人妓女充滿其中奴婢僕使不可稱計王卒憶念我女善光云何生活有人答言宮室財錢不減於王王言佛語真實自作善惡自受其報王女即日遣其夫主往請於王王即受請見其家內焜熒龕莊嚴舍宅踰於王宮王見此已歎未曾有此女自知語皆真實而作是言我自作此善自受其報王往問佛此女先

世作何福業得生王家身有光明佛答王言過去九十一劫有佛名毗婆尸彼時有王名曰槃頭王有第一夫人毗婆尸佛入涅槃後槃頭王以佛舍利起七寶塔王第一夫人以天冠拂飾著毗婆尸佛像頂上以天冠中如意珠著於頭光明照世因發願言使我將來身有光明紫磨金色尊榮豪貴莫墮三惡八難之處爾時王第一夫人者今善光是迦葉佛時復以餉饋供養迦葉如來及四大聲聞夫主遮斷婦勸請言莫斷絕我我今已請

使得充足夫還聽婦供養得訖爾時夫者今日夫是爾時婦者今日婦是夫以爾時遮婦之故恒常貧窮以還聽故要因其婦得大富貴無其婦時後還貧賤善惡業追未曾違錯

卷二

十六

歡喜而去

昔者王子兄弟二人被驅出國緣第二十二

昔有王子兄弟二人被驅出國到曠路中糧食都盡弟即殺婦分肉與其兄嫂使食兄得此肉藏舉不暇自割腳肉夫婦共食弟婦肉

盡欲得殺嫂兄言莫殺以先藏肉還與弟食既過曠野到神仙住處採取華果以自供食弟後病亡唯兄獨在是時王子見一被刖無手足人生慈悲心採取果實治被別人王子爲人少於欲事採華果去其婦在後與別人通已有私情染疾其夫於一日中遂夫採華至河岸邊而語夫言取樹頭華果夫語婦言下有深河或當墮落婦言以索繫腰我當挽索小近岸邊婦排其夫墮著河中以慈善力隨水漂去而不沒死於河流有國王崩彼國

相師推求國中誰應爲王遙見水上有黃雲

蓋相師占已黃雲蓋下必有神人遣入水中

而往迎接立以爲王王之舊婦擔彼別人展

轉乞索到王子國國人皆稱有一好婦擔一

剛婿恭承孝順乃聞於王王聞是已即遣人

哭來到殿前王問婦言此別人者實爾夫不

答言實是王時語言識我不也答言不識王

言汝識某甲不諦向王看然後慚愧王故慈

心遣人養活佛言欲知王者即我身是爾時

婦者旃遮婆羅門女帶木盂謗我者是也爾

時刖手足者提婆達多是

須達長者婦供養佛獲報緣第二十三

昔佛在世須達長者最後貧苦財物都盡客

作傭力得三升米炊作飲食時炊已訖值阿

那律來從乞食須達之婦即取其鉢盛滿飯

與後須菩提摩訶迦葉大目犍連舍利弗等

次第來乞其婦悉亦各取其鉢盛飯施與未

後世尊自來乞食亦與滿鉢於是須達在外

行還從婦索食婦答夫言其若尊者阿那律

來汝當自食施於尊者答言寧自不食當施

尊者若復迦葉大目捷連須菩提舍利弗乃至佛來汝當云何答言寧自不食盡以施與婦語夫言朝來諸聖盡來索食所有之食盡用施之夫語婦言我等罪盡福德應生即發庫中穀帛飲食悉皆充滿用盡復生

娑羅那比丘爲惡生王所苦惱緣第二十四
昔優填王子名曰娑羅那心樂佛法出家學道頭陀苦行山林樹下坐禪繫念時惡生王將諸妓女巡歷遊觀至於此林頓駕憇息即便睡眠諸妓女等以王眠故即共遊戲於一

樹下見有比丘坐禪念定往至其所禮敬問訊爾時比丘爲其說法王後尋覺求覓妓女遙見樹下有一比丘顏貌端正其年壯美諸妓女等在前聽法即往問言汝等得阿羅漢耶答言不得阿那含耶答言不得斯陀含耶答言不得須陀洹耶答言不得不淨觀耶答言不得王便大瞋作是言曰汝都無所得云何以此生死凡夫與諸妓女共一處坐即捉過打遍身傷壞諸妓女言此比丘無過王轉增瞋恚又見被打皆哭懊惱王倍

瞋劇是時比丘心自念言過去諸佛能忍辱故獲無上道又復過去忍辱仙人被他刖耳鼻手足猶尚能忍況我今日身形完固而當不忍如此思惟默然忍受受打已竟舉體疼痛轉增劇不堪其苦復作是念我若在俗是國王子當紹王位兵衆勢力不減彼王今日以我出家單獨便見欺打深生懊惱即欲罷道還歸於家即向和尚迦旃延所辯欲還俗和尚答言汝今身體新打疼痛且待明日小住止息然後乃去時娑羅那受教即宿於

其夜半尊者迦旃延便爲現夢使娑羅那自見已身罷道歸家父王已崩即紹王位大集四兵伐惡生王既至彼國列陣共戰爲彼所敗兵衆破喪身被囚執時惡生王得娑羅那已遣人持刀將欲殺去時娑羅那極大怖畏十九即生心念願見和尚雖爲他殺不以爲恨時其和尚應念知心執錫持鉢欲行乞食於其前現而語之言子我常種種爲汝說法闡諍求勝終不可得不用我教知可如何答和尚言今若救濟弟子之命更不敢爾時迦旃延

爲娑羅那語王人言願小停住聽我啓王救其生命作是語已便向王所其後王人不肯待住遂將殺去臨欲下刀心中驚怖失聲而覺即具以所夢見事往白和尚和尚答言生死鬪戰都無有勝所以者何夫鬪戰法以殘他爲勝殘害之道現在愚情用快其意將來之世墮於三塗受苦無量若其不如爲他所害喪失已身殃延衆庶增他重罪今陷地獄更相殘殺怨家不息輪轉五道無有終竟返覆尋之何補身瘡考楚之痛汝今欲離生死

怖懼鞭打痛者當自觀身以息怨謗所以者何是身者衆苦之本飢渴寒熱生老病死蚊蟲毒獸之所侵害如是諸怨衆多無量汝不能報何獨欲報惡生王也欲滅怨者當滅煩惱煩惱之怨害無量身世怨雖重止害一身煩惱之怨害善法身世怨雖酷止害有漏臭穢之身由是觀之怨害之起煩惱爲根汝今不伐煩惱之賊云何乃欲伐惡生王也如是種種爲其說法時娑羅那聞此語已心開意解獲須陀洹深樂大法倍加精進未久行道

得阿羅漢

昔仇迦離謗舍利弗緣第二十五

昔有尊者舍利弗目連遊諸聚落到瓦師所
值天大雨即於中宿會值陶中先有一牧牛
之女在後深處而聲聞人不入定時無異凡
第25夫故不知見彼牧牛女見舍利弗目連其容
端正心中惑著便失不淨尊者舍利弗目連
從瓦陶出仇迦離善於形相觀人顏色知作
欲相不作欲相見牧牛女在後而出其女顏
色有成欲相不知彼女自生惑著而失不淨

即使謗言尊者舍利弗目連嬌牧牛女向諸
比丘廣說是事時諸比丘即便三諫莫謗尊
者舍利弗目連時仇迦離心生瞋嫉倍更忿
盛有一長者名曰婆伽尊者舍利弗目連爲
說法要得阿那含命終生梵天上即稱名爲
婆迦梵時婆迦梵逕於天上知仇迦離謗尊
者舍利弗目連即便來下至仇迦離房中仇
迦離問言汝是阿誰答言我是婆迦梵爲何
事來梵言我以天耳聞汝謗尊者舍利弗目
連汝莫說尊者等有如此事如是三諫諫之

不止反作是言汝婆迦梵言得阿那含阿那含者名爲不還何以來至我邊若如是者佛語亦虛梵言不還者謂不還欲界受生時仇迦離於其身上即生惡瘡從頭至足大小如豆徃至佛所而白佛言云何舍利弗目連姪牧牛女佛復諫言汝莫說是舍利弗目連是事聞佛此語倍生瞋恚時惡瘡瘡轉大如柰第二又以此事而白於佛佛復諫言莫說此事瘡瘡轉大如拳第三不止其瘡轉大如鉢身體壯熱入冷池中能令冰池甚大沸熱痛

瘡盡潰即時命終墮摩訶憂波地獄爾時比丘白佛言世尊以何因緣尊者舍利弗目連等爲他重謗佛言過去劫時舍利弗目連等曾爲凡夫見辟支佛出瓦師陶中亦有放牛女從後而出即便謗言彼比丘者必與此女共爲交通由是業緣墮三惡道中受無量苦今雖得聖先緣不盡猶被誹謗當知聲聞人不能爲衆生作大善知識所以者何若舍利弗目連爲仇迦離現少神足仇迦離必免地獄不爲現故使仇迦離墮於地獄如此之事

佛作是說若是菩薩人如鳩留孫佛時有一仙人名曰定光共五百仙人在於山林中草窟裏住時有婦人偶行在此值天降雨風寒理極無避雨處即向定光仙人所寄宿一夜明日出去諸仙人見之即便謗言此定光仙

必共彼女作不淨行爾時定光知彼心念恐其誹謗墮於地獄即昇虛空高七多羅樹作十八變諸仙人見已而作是言身能離地四指無有姪欲何況定光昇虛空中有大神變而有欲事我等云何於清淨人而起誹謗時

五百仙即五體投地曲躬懺悔緣是之故得免重罪當知菩薩有大方便真是衆生善知識也佛言爾時定光仙人者今彌勒是也爾時五百仙人者今長老等五百比丘是也

雜寶藏經卷第二

卷二

三

音釋

三

蓏魯果切果蓏也在蒲故切覩覩能毛席也覩力覩吐盍切覩都膳覩覩魚切
覩覩未切覩覩毛布也覩覩切覩覩毛席也覩覩楚語也此云覩伊甸切覩覩除庚別
覩賓種罽居例切覩覩醺合飲也覩覩張切覩賓魚厭切斷步加切覩賓守足也

永樂北藏

雜寶藏經

第一二九冊